

9935



ფასი 50 ჰ.

საბჭოთა კავშირის მშენებელი



თ ბ ვ-დ ბ ც უ ლ ი.


„Мы закупорили Врангеля въ Крыму“.
(კომუნისტების ცნობა).

№ 49

1920 წ.
ნოემბრის 14



184



9935

ლენინი (ტროცკის) ახა, გუთაუგა, დონიურათ! ისე დაუცრთ თავი, რომ ვერაუთარმა ძაღამ ვეღარ ამოაძრეს!

(იხ. მე-16-ე გვერდი)

ო მ ი ს ა მ ზ ე ზ ი

I ისტორიამ გაგვასამართლოს!

მთელი საქართველო მოწამეა ახალი ვერაგული თავდასხმის და ჩვენს წინააღმდეგ მუხანათური გამოლაშქრების.

მართალია, ჩვენც არ გვძინებია, მტერს გულხელ დაკრეფილი არ დავხვედრივართ და მის წინაშე ქედი არ მოგვიხრია, მაგრამ ის უპირობა, ყოველგვარ საერთაშორისო უფლებათა ჩაწინააღმდეგობა, დროს შერჩევა, რომელიც მოწინააღმდეგე გამოიჩინა, სქარბობს ყოველსავე ამგვარ საქციელს, დღემდე ისტორიის ფურცლებზე აღნიშნულს.

ჩვენ ვიცით, რომ მტერი მრავალრიცხოვანია, ის არ შესდგება არავითარი დაბრკოლების წინაშე, არ მოერიდება ჩვენს წინააღმდეგ არავითარ საშუალებას ოღონდ კი თავისი გაიტანოს, ჩვენ გავანადგუროს და მით გზა გაიკაფოს იქითკენ, საითაც მისი ველური ურდოები მიისწრაფიან.

მაგრამ ჩვენ ვიცით, რომ სიმართლე ჩვენს მხარეზეა, ვიცით რომ ჩვენ გვესხმიან, რომ ჩვენ მხოლოდ თავს ვიცავთ და ეს გარემოება ასაკლდეებს ჩვენს მცირე რიცხოვან გუნდებს. ჩვენ არავის არაფერს ვეღავეებით; არ გვინდა არც სახელი, არც სახრავი ვისიმე და მით უმეტეს იმ თავხედი მტრისა, რომელიც ასე მოულოდნელათ აღიმართა ჩვენს ჰორიზონტზე.

ხელთათმანი გვესროლეს და ჩვენც ავიღეთ*). ამერიდან ჩვენსა და ჩვენს ისტორიულ (თუ ისტერიულ) მტერთა შორის დაწყებული სამკვდრო სასიცოცხლო ბრძოლა ან ერთი მხრის დამარცხებით, ან მეორე მხრის გამარჯვებით უნდა გათავდეს. სხვა გზა არ არის.

ან ქართული ჰუმორი, ან ქართული ფუტუარიზმი!

ბრძოლის ველზე განგმირული უნდა დაეცეს ორში ერთი: ან „ეშმაკის მათრახი“, ან „ბარკადი“.

ჩვენ ეს ბრძოლა თავს მოგვახვიეს წინააღმდეგ ჩვენი სურვილისა და ამიტომაც იმ დაღვრილი მელნის პასუხის მგებლობას, რომელიც ამ ბრძოლას უნდა მოჰყვეს, ვაკისრებთ ჩვენს მოწინააღმდეგე მხარეს.

II ვინ გვებრძვის ჩვენ?

მტერი, რომელმაც ჩვენი გასრესა მოინდომა, არის ფუტურეთი. ეს კარგა მოზრდილი ქვეყანაა, თუმცა გადაშენების გზაზე უკვე დიდი ხანია რაც შესდგა. ფუტურელები, ანუ „ყანწელები“, როგორც ისინი თავის თავს ეძახიან, ძლიერ მკვე-

ხარა, მეტიჩარა, თავადებული და, ასე ვსთქვათ, მატრაკვეცა ხალხია.

ფუტურეთი რესპუბლიკანური ქვეყანაა, მაგრამ, როგორც ყველაფერი ფუტურისტული, მათი რესპუბლიკაც ერთობ ახირებულია: იქ ყველანი მეფეები არიან. ფუტურისტი უთუოდ მეფე უნდა იყოს. უბრალო მომაკვდავთავეს ეს გაუგებარი იქნება, მაგრამ ეს ასეა. იტყვის მაგალითად ფუტურისტი ონჩოპეტრე:— მე მეფე ვარ! მორჩა და გათავდა. ის უკვე მეფეა. იმას ველარავინ ვერ დაჯერებს, რომ ის მეფე არ არის.

თქვენ მოგეხსენებათ, თუ როგორ უჭირთ მეფეებს ცალ-ცალკე სამეფოებშიაც დატევა და მუდამ ერთმანეთს ეჩხუბებიან. მით უმეტეს გასაკვირი უნდა იყოს ერთ პატარა ფუტურეთის რესპუბლიკაში ამდენი „მეფის“ ერთად მოთავსება. ალბათ ამით აიხსნება ის მეტის მეტათ ხშირი თავპირის მტვრევა, რომელიც ფუტურისტთა შორის სწარმოებს.

ქვეყანა ფუტურისტებისა დაბლობი, ნოტიო, თითქმის ქაობით მოცულია და რომ უქმურის ბაცილებმა არ დაჩაგროს მათი ორგანიზმი, ფუტურისტები განსაკუთრებული მისწრაფებით ეტანებიან ალკოჰოლს. ამ ქაობიდან მათ დიდი ხალისი აქვთ ოლიმპის ან პარნასის მაღლობისაკენ გასვირნიებისა, მაგრამ უბედურება იმაშია, რომ ამ მოგზაურობის დროს ფუტურელებმა ჩვენს, ჰუმორის, სახელმწიფოზე უნდა გამოიარონ. ვინაიდან ოლიმპის აგარაკზე ძლიერ ცოტა ადგილია, და აგრეთვე პარნასზედაც, რასაკვირველია, ჩვენც დიდის შერჩევით ვუშვებთ ხალხს იქითკენ. ეს ქართული პანთეონი როდია.

ფუტურისტებმა ამ ათიოდ წლის წინეთ მედგარი იერიში მოიტანეს დასავლეთის მხრიდან ჩვენს რესპუბლიკაზე; მათი მიზანი იყო ფრონტის გარღვევა, მთელი რაზმით ოლიმპზე ასვლა და იქ გამაგრება.

იერიში დიდის ზარალით უკუგდგებულ იქნა და ფუტურისტთა ხელმძღვანელნი მეფე პაოლო იაშვილი და მეფე გრიგოლო რობაქიძე შესაფერი ტრანსპორტით სპარსეთის ფრონტისაკენ გაემგზავრენ.

მიუხედავად მათი ასე სამარცხვინო დამარცხებისა, ჩვენ მაშინ არ მოგვითხოვია არც ანექსია, არც კონტრიბუცია. ჩვენ გვასულდგმულედა მხოლოდ იმედი, რომ ფუტურისტები იკმარებდნენ იმ სანიმუშო გაკვეთილს და ახალ ავანტიურას არ გამოიწყებდნენ. ეს ჩვენი სამართლიანი მოლოდინი არ გამართლდა.

III ახალი ხერხი ფუტურისტებისა.

სპარსეთის ფრონტიდან დაბრუნებულნი მეფე პაოლო და მეფე გრიგოლი, კვლავ შეუდგნენ თავ-

*) ნეტავ შენი ღვთის გულისათვის ჩქმებიც და კალაშეებიც ესროლათ, დიდის სიამოვნებით ავიღებდით.

ვისი დაშლილი რაზმების დაწყობას. ისინი კარგა ხანია ფარულათ ემზადებიან ჩვენს წინააღმდეგ; ჩვენი კონტრ-რაზვედკა საკმაოდ იცნობს მათ განზრახვებს.

ფუტურეთის ქაობში მათი ჩარჩენა ერთობ არა ხელსაყრელსა და სასაცილო მდგომარეობას ქმნის მეფეთათვის. ასე, თუ ისე მათთვის აუცილებელია ოლიმპის, ან პარნასის მწვერვალებისაკენ გზის გაკაფვა. ძალით ეს შეუძლებელი გამოდგა, ქკუა მათ არ აღმოაჩნდათ და მოისურვეს ჩვენი დამოყვრება. ეს ძველის ძველი საშუალებაა, როცა ბატონიშვილებს მზითვად სამეფოს ნაწილებს აძლევდნენ.

ამ რამოდენიმე კვირის წინათ ფუტურისტმა მეფე პაოლო იაშვილმა გვთხოვა ქალი.

— მაქვს პატივი გაცნობოთ, რომ მე მსურს შევიერთო თქვენი ქალი, ქალბატონი თამარ მეფეო.

მოგწერა მან სწორედ ამ ლექსით და თანვე მეტის სიღინჯისათვის დასძინა.

— ამასთანავე გაფრხილებთ, რომ მაყრათ უთუოდ ერეკლე მეფე უნდა გამოჰყვეს-ო!

ეს მოხსენება გააკეთა მან წერილობით, ხოლო სიტყვიერად მეფე კოლაუ ნადირაუს პირით შემოგვითვალა:

— მე და ჩემს დედოფალს ილია წინასწარმეტყველის ეტლი უნდა გვიშოვოთ ჯვრის საწერათ წასვლის დროს, ხოლო ჩემი დასაჯდომი მამა (ესე სთარგმნა მეფე კოლაუმ *Посаженый Отец*) მეფე გრიგოლიწმინდა გიორგის რაშზე უნდა შესვათო“.

თავის მხრივ მეფე კოლაუ ნადირაუმ დასძინა:

— აუცილებლივ საჭიროა, ქორწილზე იესო ქრისტეს დასწრება, რომ წყალი ღვინოთ გადააქციოს, როგორც ეს კანას მოიმოქმედა, თორემ ამდენ მეფე ფუტურისტს რა ღვინო ეყოფა, თითოეული ჩვენგანი ბოჰემა არის და თამადათ დაბადებულიაო“.

IV საგანგებო კრება.

ამ წერილმა და მზაკერულმა მომართვამ დიდი კამათი გამოიწვია ჩვენი რესპუბლიკის მმართველ წრეებში. მყისვე მოწვეულ იქმნა საგანგებო კრება თავდაცვის კომიტეტისა.

კრებამ საკითხს პირდაპირ თვალეებში შეხედა და აშკარათ დაინახა ჩვენი ფარული მტრების განზრახვა.

თაგუნა. უნდა გამოგიტყდეთ, ამხანაგებო, რომ მე ცოცხალი თავით ვერავის დავანებებ თამარ დედოფალზე ჯვარი დაიწეროს. ის, ვინც მეფის სახელით ჩვენ გვევლინება, ნამდვილათ უბრალო ვაფხეკილი იმერელი აზნაურია, ტომით ფუტურისტი. იმის ხელში ჩვენი ქალი ტანჯვისა,

ჩხუბისა და აყალ-მაყალის მეტს ვერაფერს ნახავს. ჩემის აზრით უმჯობესია ჩვენი დედოფალი ქვრივით დარჩეს, ვიდრე ასეთი მატრაკვეციისა და იხტიბარ გატეხილი ფუტურისტის ხელში ჩავარდეს.

მორიელი. ამ კითხვის გადაწყვეტა, მეგობრებო, მარტო ჩვენზედ არ არის დამოკიდებული. საჭიროა თვით თამარ დედოფალს ეკითხოს, სურს თუ არა მას მეუღლე გახდეს მეფე პაოლო იაშვილისა. თუ ის თანახმა იქნება, ჩვენ მადლიერი უნდა დავრჩეთ, ვინაიდან ამით მოსალოდნელ ომს ავიცილებთ თავიდან.

მე უფრო მადონებს მეორე საკითხი. გადაჭრით შემოძლია ვთქვა, რომ წმინდა გიორგი თავის თეთრას არას გზით არ ანდობს გრიგოლაუ რობაქიძეს.

ეზმაკი ამხანაგებო! ჩვენ ილიუზიებს თავს ნუ მივსცემთ და ჩვენის ნებით თვალეებს ნუ დავიზნელებთ. ცხადია, თუნდაც მივათხოვოთ იმ შეშლილ ხალხს ჩვენი ქალი, გინდა მაყრობაზე დავითანხმოთ ერეკლე მეფე, ვუშოვოთ ილიას ეტლი, წმინდა გიორგის ცხენი და თავზედ სასხამი ღვინო, ჩვენ ფუტურისტებთან ომი მაინც არ აგვცდება. იმათი განზრახვა აშკარაა: მათ უნდათ ჩამოსიძებით დაგვიმოყვრდნენ და შემდეგ გვთხოვონ გზა მათი ფუტურეთის ქაობიდან ოლიმპის, ან პარნასის მაღლობისაკენ ასასვლელათ. მე ვიცი თქვენი აზრი ამ მოგზაურობის შესახებ. არც ერთი ჩვენგანი იმ მთაზე არ აუშვებს თუნდაც ერთ ფუტურისტს, ვიდრე ის ამას არ დაიმსახურებს. ამას ვერ უშველის ვერც ჩვენთან დამოყვრება და მაშასადამე შეტაკება მაინც მოგვიხდება. ნუ გვინდა ომი, მაგრამ ვემზადოთ ომისათვის.

ერთხმად გადაწყდა უარი ეთქვას მეფე პაოლო იაშვილს თამარ დედოფალზე, ხოლო ამის შესახებ შესაფერი ნოტის დაწერა მიენდოს თავუნას.

V თავუნას ნოტა

„მათ უდიდებულესობას მეფეთ მეფეს გრიგოლაუ რობაქიძეს და მეფე პაოლო იაშვილს.

„პატივი მაქვს გაუწყოთ, რომ ჩვენი რესპუბლიკის მთავრობამ ერთხმად უარყო თქვენი წინადადება. ჩვენს ქალს, თამარ მეფეს, ვერ მოგათხოვებთ. თქვენი მწვავე კრიზისის შესამსუბუქებლად ჩვენი მთავრობა მეგობრულ რჩევას გაძლევთ მიმართოთ ყველასაგან პატივცემულ დავით კლდიაშვილს, თუ პირადათ გრცხვენიათ, სერგო კლდიაშვილის საშუალებით და სთხოვოთ ქ-ნი კაროენას ხელი. ჩვენ ღრმად დარწმუნებული ვართ, რომ თქვენ ორნი მზესა და მთვარესავით შეაბერდებით ერთმანეთს, ამ ქვეყნათაც ბედნიერი იქნებით და საიქიოსაც. ჩვენი ქალი თამარი არ არის თქვენი შესაფერი: სწავლა არსად მიუღია, აღ-

ზრდილია შოთა რუსთაველის უნიკო ლექსებზე და თან მზითვიც არაფერი აქვს.

უკეთეს თქვენ პატივცემულ დავით კლდია-შვილთან მოლაპარაკება გაგირთულდებათ, ჩვენი მთავრობა პირობას სდებს თავდებათ დაგიდგეს და ამით დაგითანხმოს კაროენას ქირისუფალი.

პატივისცემით **თავუნა**.

ჩვენმა ნოტამ მორიელის მიერ დასახულ სასურველ შედეგს ვერ მიაღწია. ჩვენი მეგობრული რჩევა-დარიგება მტერმა დაცინვად მიიღო და აღარ დააყოვნა ჩვენს წინააღმდეგ გააფთრებულ იერიში წამოსვლა.

სამკვდრო სასიცოცხლო ომი დაიწყო.

ისტორიკოსი.

(შემდეგი იქნება).

* * *

ცივი უდაბნო. სისხლის სეტყვა. ასპიდის თვალი... მზის მღვლეარებამ შეაშფოთა ზანტი ხმელეთი. ბებერ ალბიონს ყურს აუწევს აღმოსავლეთი, და ტროცკის ცეცხლით ყინულს დასწვავს

ცელქი ქემალი.

ნადრევ ზამთრის ცივი სუნთქვა აწვება კარებს. ბათუმის ბჭესთან მახვილს ღესავს ძველი სალახი. გიორგი ამბობს: „მიგვაკლდება ჩვენ წელს ბალახი“... და ტრაპიზონში ერეკება ლურჯ-თვალა ხარებს. ქრისტემ მაჰმადი გადაკოცნა, ალახმა ღმერთი. საკუთარ შვილთა სისხლში სცურავს ნორჩი

სომხეთი...

და უილსონი თბილ ლოგინში ტკბილათ ამოქნარებს.

d.



ზ ა რ ი

ადილი წარმოსადგენია იმ კაცის მდგომარეობა, რომელსაც აქვს საკუთარი კაბინეტი, ჰყავს კარის დარაჯი, რომელიც ზარის მცირე დარაწკუნებაზე მზათ არის ყოველ გვარ განკარგულების შესასრულებლად და არა აქვს ზარი!

სწორეთ ასეთ მდგომარეობაში იყო დავით კოპალი, როცა მის კაბინეტში გვარდიის შტაბის თავმჯდომარე ლადი დოლბაია და ბათალიონის უფროსი გრიგოლ კვაშალი შევიდნენ.

— ბ-ნო ლადი! იქნება გეგულვებათ სადმე ერთი ზარი. პირდაპირ შეუძლებელია უზაროთ მუშაობა. შესჩივლა კოპალმა ლადი დოლბაიას.

— ზარი არის, მაგრამ ძნელი საშოვნია—მცირედი ჩაფიქრების შემდეგ სთქვა გრ. კვაშალმა.—

სამტრედიაში ერთი დანგრეული ეკლესიაა, იქ უნდა იყოს დარჩენილი. მაგრამ მოგესხნებათ „უპატრონო ეკლესიას ეშმაკები დაესიაო“ და იმ ზარსაც ეშმაკის ნებადაურთველად ვერ ვიშოვნით.

— რის ეშმაკი, კაცო, ეხლავე რეკვიზიციას უზამ. ხუთ წუთში რეკვიზიციის ორდერი მზათ იყო და საგანგებო მატარებლით დავით კოპალი გაემგზავრა სამტრედიაში.

ჯერ ჩაქვში არ იქნებოდა მატარებელი მისული, რომ მთელი სამტრედია ფეხზე იდგა. ქალაქის თავს სიმწრის ოფლი ჩამოსდიოდა. მთელი ქალაქი შემოირბინა, მაგრამ მთარგმნელი ვერ იშოვნა. მთარგმნელის შოვნა მით უფრო ძნელი იყო, რომ არაფინ იცოდა რა ენაზე ილაპარაკებდა კოპალი.

გ. დუნდუა ამტკიცებდა, რომ კოპალი ბელგიური გვარია და მაშ ფრანგულათ ილაპარაკებდა. სხვების აზრით კოპალი ინგლისურათ ილაპარაკებდა.

მესამე დღეს როგორც იქნა საგანგებო მატარებელმა მიაღწია სამტრედიას. სადგური ძველ გირლიანდებით და ნახევრათ გამხმარ ფოთლებით იყო მორთული. ვიღაც ცნობის მოყვარე ვაგონის თავზე გასულიყო, წამოეხურა თავზე შალი და მოწამებრივი მოთმინებით უცდიდა კოპალის მოსვლას. წვიმა კი კოკისპირულათ ასხამდა.

როცა მატარებელი ხიდს გაუსწორდა კოპალმა გამოჰყო თავი ფანჯარაში. მისი ყურადღება მოზღვავებულმა ხალხმა მიიქცია, რომელიც საშინელი თავგანწირვით იწუწებოდა წვიმაში.

კოპალი მაშინვე მიხვდა რაშიაქ იყო საქმე.

— ღმერთი აღამიანს რომ მჭერმეტყველების ნიქს მისცემს, შემთხვევასაც მისცემს, რომ ეს ნიქი გამოიყენოს—სთქვა კოპალმა და მოემზადა სიტყვის სათქმელად. მატარებელი გაჩერებული არ იყო, რომ მისი მჭექარე ხმა ორთქლმავალის ქშენას ეჯიბრებოდა და ლამაზათ, მწყრობრათ დალაგებული სიტყვები ნაზი აღერსით ეფინებოდა სამტრედიელებს, რომელთა სახეები წვიმაში გაწუწულ კითხვის ნიშანს მიჰგავდა.

— ბატონებო! თქვენს წინაშე სდგას გერმანიის სოციალ-დემოკრატიის საუკეთესო წარმომადგენელი, სართაშორისო სოციალისტურ მოძრაობის ბელადი, მსოფიანი კარლო კაუცკი. მე ვგრძნობ თქვენს სულის კვეთებას, როცა ასეთ ამინდში შეყრილხართ და ღიმილით ეგებებით ძვირფას მასწავლებელს. და როდესაც ეს სურათი დაულალავ მუშაკის გერ. გოგითიძის მიერ ლენტზე გადაღებული (ხელით უჩვენა ვაგონზე მდგომ შალ მოხვეულ კაცზე) შემოივლის მთელ საქართველოს და ევროპას, მსოფლიო პროლეტარიატი მიხვდება თქვენს გულის ნადებს. გაუმარჯოს ამხანაგებო ჩვენს მასწავლებელს კარლო კაუცკის! ვაშა!

— ვაშა! იგრილა ხალხმა. კობალი კი გადახტა ვაგონიდან და გასწია ქალაქის თავისაკენ.

— მომილოცავს დღესასწაული, — მიმართა კობალმა თავს. ძლიერ მოხარული ვარ, რომ სამტრედიასაც ეწვია ჩვენი საყვარელი მასწავლებელი. მე შემთხვევით გავიგე და მაშინვე გამოვექანე თქვენსკენ.

— სად არის, ბატონო, კაუცკი? გაუბედავთ ჰკითხა სამტრედიის თავმა.

— როგორ თუ სად? განა აქ არ არის?

— არა...

— მაშ ეს ხალხი? ეს გოგითიქე?..

— ის გოგითიქე კი არა, ჩვენი დარაჯის ცოლია, საყურებლათ გავიდა ვაგონზე, ხალხი თქვენ დასახვედრათ შეიყარა...

ხალხი კი განაგრძობდა ვაშას ძახილს და მოუთმენლად ელოდა კაუცკის ვაგონიდან გამოსვლას.

— საკვირველია, სწორეთ! მე-კი მეგონა, რომ კაუცკი ჩამოვიდა...

— თქვენ რაისთვის შეწუხდით.

— მე ისე გამოვისიერნე...

— ძალიან სეირნობაა, თქვენი ჰირიმე ამდენი ხალხი მუშაობას მოცდა, ამ წვიმაში დავიწუწუეთ, — ჩაილაპარაკა გიორგი დუნდუამ.

კობალი ჩაჯდა მატარებელში და გაბრუნდა ბათუმისაკენ.

ხალხი ნელ-ნელა დაიშალა.

— დედა, რომელი იყო კაუცკი? — კანკალით ეკითხებოდა ბავშვი დედას.

— რომელი შეილო და სიტყვა რო სთქვა.

— რა ახალგაზდა ყოფილა! მერე, დედა, დედლის ქუდი რატო ეხურა?

— ასეთი მოდაა, შეილო, გერმანიაში.


მატარებელი ჩაქვში იყო, როცა კობალს ხარი გაახსენდა.

— დასწყევლოს ღმერთმა. ამდენი აურ-ხაური გამოვიწვიე და ხარი მაინც წამომელო. Чортъ знаетъ, что такое!

და დღესაც უხაროთ ზის დავით კობალი თავის კაბინეთში.

სამტრედიელებს კი ჰგონიათ, რომ კაუცკი ნახეს და კმაყოფილნი არიან, რომ გერმანიის სოციალდემოკრატიას ასეთი ახალგაზდა ბელოდი ჰყოლია.

გრ. სლუჩაინი



გათუგელის ტირილი

(სამღრთვთა ვინიგრეტა)

მე ჩანგური მისთვის მინდა, რომ სიმართლეს მსახურებდეს, მილიცია ქურდს იჭერდეს მართლებს კი არ ახურებდეს.

ქკვა უხმარ არის ბრიყვთათვის, ქკვა ცოდნით მოიხმარების, უჩვენეთ ბარიკადელებს ყვითელი სახლის კარები, „ჩუმა“ არ არის გულადი, ზურგიდან მოიპარების.

ნეტავი რადმე მაქცია ბულბულათ გადამაქცია, რაც ქაობებში წყალია, სულყველა ღვინოთ აქცია.

გამიქვავდეს მე ეს ენა თუ რომ ვისმე მივეფერო. ჩვენი დათიკა ხელაძე სწორეთ გახდა სანაწერო.

რა არის ჩვენი სიცოცხლე. სხვისი არ გვესმის ტკივილი, წავიდეთ ცირკში, ვიხილოთ ზაგარუიკოს ქიდილი.

ირემო, მთასა მყვირალო, რათ ჩამოვარდი ბარადა? მუშათ მაგიდის შესახებ უნდა დავწერო შარადა.

ორმოში ფეტვი ჩავყარე შესანახადაო, პურს პური ჰქვია სახელად — შესახედადაო.

ორმოდანა ამოვყარე გასაშრობადაო, ხუთი გირვანქა არ მყოფნის გასაძლომადაო.

ლობზე ჩიტი შემოჯდა ასაკენკადაო, პურსა ნაგავი რათ უნდა? — მისაქმელადაო.

იზარდე მწვანე ჯეჯილო დაპურდი გახდი ყანაო, ვერ შობა ჯიმა კომუნა, მუცელმა გადიტანაო.

დადეგ წყალო და მიამბე, სად ვინ რა დავაბარაო, თათრებმა ყარსი აიღეს — ჩვენთვის არ დარჩეს ბალოა.

მე პატარა ქართველი ვარ, კავკასიის მთების შეილი.. ოსმან, ერიდე ქართველებს დაგიწყებს მუცლის ტკივილი.

ბიკო ვისი ხარ მალხაზი დაურჩი დედაშენსაო. შენი რაც არი წაიღე ნუ შეეხები ჩვენსაო. ხვალ გავაგძელებ შემდეგსა ესეც გვეყოფა დღესაო.

გრ. ბათუმელი.



მ ო ვ ა ლ ე ო ბ ა

თედო ხმიადაშვილის მხნეობა მთელ სოფელში განთქმულია. შრომა მას არ ეხარება და გარჯა. გლეხი კაცის ზიკრებაზე თედოს წინ ვერაჟინ დაუდგება: ღვინშიაღ დიდი იმედია კაცისა და ჭირშიაღ! კიდევაც ამიტომ ჭწყალბოს დმერთი და მისი ოჯახი ნიადაგ სავსეა ზურ-ღვინითა.

აი, წლეულაც! იმოდენა ჭინახული მთაწია თედომ, რა ათმა ოჯახმა რა ათ წელიწადს ჭჭამოს, ათი წლის სარხო კიდევ დარჩებათ!

ჭო და, აი, ამ თედოს, სულ ხუთი დღეც არ იქნება მას აქეთ, ერთი ამაგი შეკმთხვა.

სახლში იყო და ხორბალსა ჭურიად შესანახად. თან მუშაობდა და თანაც თქმებში იყო კართული:

— ე რა ბედენა! — ჭიქობდა თედო: ამბობენ, მთავრობამ ბრძანა, სოფელმა ზური უნდა გამოიდოს სხელმწიფოსთვისა. გამოდის, რამა, მე რა სწული გლეხი კაცი ვარ, ჩემი ოფლითა და შრომით მონაგარი მთავრობის უნდა გაუნაწილო. რა ჩემი სიმწუვალე ეჭირვება მთავრობასა? საზინა იმის ხედო არის, ოქრო და ვერცხლი. მე მისგან მოველი შევლას და ის მე უნდა მართმევედეს სარხოსა?! ეს სადაური სამართალია, რა ვქნა? მართალია მუქათა არ მიაქვთ, რიგინ ფასსაც იძლევიან, მაგრამ თუ მე არ მინდა გაუიდევა? განა გლეხი კაცი რა ვარ, იმოდენა ჭკვა კი არა მაქვს რა უბრალო რასმე მიხვდე: თუ დღეს ას თუმანს მადლევენ ფუთ ზურში, გაზაფხულზე ხო სამასსაც მამეკემენ! არაო, გინდა თუ არა, უნდა ეხლავე გაუიდეო!..

ამ თქმებში რა იყო კართული, ვნახოთ უცებ თვალი მოჭკრა:




ეზოს ღობესთან ვიდაც ორი კაცი მომდგარიყო და უთვალთვალებდა. ისეთი სახისანი იუენენ და თვალებს ისე აბრიალებდნენ, რა თუმცა თედო მშიშარა ბიჭი არ არის, ტანში მაინც ჟრუანტულმა დაუარა.

— ფუი, ეშმაკსა! — გააფურთხა თედომ: ეს ვინ მოთრეულან ჩემს კარ-მიდამოზე! ზედგე ეტყობათ, კარგი ვანმეები არ უნდა იუენენ! ნეტავი რა უნდათ აქა?

ცოტა კიდევ დაუკვირდა, იცნო და უფრო აუტკერდა გული შიშისაგან: ერთი რუსი კომუნისტი იყო, მეორე კი თათარი.

— აი, სათაბლას თუ გინდა, ეგ არი! — გაიფიქრა თედომ: ჩემმა ჯალაბმა არ დაინახოს, თორე შიშისაგან ვეკლას გულები დაუსკდებათ!

ამ დროს, სად იყო, სად არა, თედოს გვერდით ავი ჩვენი ჯარის კაცი არ გაჩნდა, ზეზიანთ ვანუა!



— ბიჭო, ვანუა! — შესძახა გასარებულმა თედომ: ე, რა ბედზე გამომიგზავნა დმურთმა შენი თავი? დახე, კგერ ვინ არიან? ერთი ე ხაშტი შენებურათ მიაუღლე შავ მაიმუნებსა, რომ მეორეთ ველარ გაბედონ სხვის კარ-მიდამოზე სეტილი! ახა, ერთი შენებურათ, შენ გასრდას! რუსმა და თათარმა სული გატრუნეს და იქვე ჩაიმაღნენ ღობის ძირას.



ვანუა, თითქმის არც კი გაეკანთა თედოს სიტყვები, უძრავათ იდგა ერთ ადგილას და ზასუხიც კი არ გასცა თედოსა.

— არ გეუბრება, ბიჭო? აუწვი რაღა, შავ მსუნაგებსა! — კვლავ გაუშეორა თედომ.

— რათა? — დინჯათ ჭკითხა ვანუამ და არც კი მიიხედა ღობისაკენ.

— როგორ თუ, რათა? ვერ დაინახე, როგორის თვალით იტყვიანებდნენ? თითქმის ცოცხლივ შეჭმა უნდა-თა! — უთხრა გაკვირებულმა თედომ.

— მერე შე რა? შეჭმა უნდათ და შეტყობენ, რა! — ისე გულ-გრილად უზასუხა ვანუამ, თითქმის ქართველი ჯარის კაცი და ზემიანთ ბიჭი კი არა, სამტროდ მოსული გინმე ყოფილიყოს.

თედოს ზირი გაუშრა და ენა დაება ამის გაგონებაზე.

რუსმა და თათარმა კი ისევ თავები წამოჭყვეს და უფრო მსუნაგის თვალებით დაიწეეს თედოს სახელ კარისაკენ ტქერა.

— ბიჭო, შე უდმურთოვ! ე, რეები სოქვი! — ძლივ წაიღუდღულა თედომ, ცოცხალი რომ გინს მოვიდა: ემაკ თოფსა და იარაღს მანც არ არცხუნდე! ქართველი ჯარის კაცის სახელს მანც არ აფუტკებდე!.. ვთქვათ, ცკოთი უკუ-ღო და უგრძობი გახდი, რომ ქრისტიანთა კაცი აღარ გებრადება, შენი მოვალეობა მანც მოიგონე! — განსარდა თედო.

— მერე შენ კი მოიგონე შენი მოვალეობა?— ისევ იმ კილოთი ჭკითხა ვანუაშ. თეღო ჩუმაღ იყო: ვერ მიმ-
ხვდარაო რა მოვალეობას ჭკითხავდა ვანუა. — რას განუშებუხსარ?... შითხარი, რაღა!

— არ ვიცი რა მოვალეობას შეუბნები და რა გითხრა?— დაბნეულად მიუგო თეღომ.

— არ იცი? ჩემი მოვალეობა კარგათ გცოდნია, შვილსა! რატომ შენი ადარ იცი? კარგი! უური დამიგდე
და მე გეტყვი. ჯერ ეს შითხარი: რა არის ჩემი მოვალეობა?

— რა არის და შტერთან ბრძოლა, — უზახუნს თეღომ.

— მერე შშიერ გაცს შეუძლიან შტერთან ბრძოლა?

— მაგას ვინ გეუბნება, შშიერმა იბრძოლეო! გამოძეღ და ისე იბრძოლე?

— კარგი, მაგრამ საიდან უნდა გამოვძდე? ვინ უნდა გამომძღოს?

— ვინა და მთავრობამ!

— მერე, მთავრობას რა ჰერი არა აქვს?

— იშოვოს, რა!

— შე კაი კაცო, რაც მიწა-წყადი იყო, სულ შენ და შენისთანებს დაურიგა და ქადაქის ქუჩებზე ხომ ვერ
მოიფანს ჰურსა?— ჭკითხა ვანუაშ.

— ფული აქვს და შეიძინოს, იუიდას. განა ცოტა საშუალებაა, რამა!...

— იუიდას! შენ აკაშენის დემერთმა! იმ გამგელებზე ღ შეზობლებიანგან ხომ არ იუიდას, ებერ შენ სახლ-
კარს რომ მისდგომიან გბილები კაწკაწით და ჩაუღახვას უქადიან. აბა შითხარი, ვისგან უნდა იუიდას?

თეღო ჩუმაღ იღვა.

— სთქვი, რაღა, ვინ უნდა მიჰვიდას მთავრობას ჰური ჩვენთვის, ქართველი ჯარისთვის? ენა დაგება, განა?
ესლაც ვერ მოიგონე შენი მოვალეობა?


თეღო ისევ ჩუმაღ იყო.

— ჭოდა ესლა უური დამიგდე: შენ თითონ დაუფიქრდი შენს უფთასა და გადასტერ: რა არის შენთვის უფ-
რო სარტა: შენი მოვალეობის ასრულება და მთავრობისთვის ცოტა ჰურის გაღება, თუ ამ ხორბლის შენახვა და
მთავრობისთვის უარის თქმა? დაუფიქრდი და თითონ გადასტერ!

თეღო დაუფიქრდა. მარცხნივ მგლები იდგნენ ღობესთან და თვალს არ აშორებდნენ თეღოს და მის სახლ-
კარს, მარჯვნივ კი ვანუა ჯარის კაცი გაჩერებულიყო და თეღოს ჰასუნს ელოდა.

თეღო ჭფიქრობდა:


— ე რა ბაღას გადაუვიდე?! რა ადარ ვიცი, როგორ მოვიქცე? სწორედ სახლბრო ამბავი შემემთხვა—
„წახვალ ინანებ! არ წახვალ მაინც ინანებ!“ მივცე ჰური მთავრობასა— ვინანებ— გაზატუსულზე უფრო ძვირათ გა-
რუვიდდი... არ მივცე და— მაინც ვინანებ: ე ვერანა ვანუა ამ მაიმუნებს ადარ მომამორებს. ესლა საქმე ის არის
ოღის ვინანებ უფრო: რა მივცე, თუ რომ არ ვივცე? ვთქვათ, არ მივუცი ჰურიმ მთავრობას, — ჭფიქრობდა გულში,
თეღო: ვანუა არხეინად გაუღვა გზასა და ჩემი თავის ანაბარად მიმაცოფა.



შემოიჭრნენ ეს ხადირები... მე აიმ ხის ტოტზე დამვიდეს და ჩამომარჩეს. ე ჩემი ჰური კიდუნა ურემზე
დაუდეს და გააღალეს...




ჩემი ნიშა და ნიკორა გაჭრეგეს...



ჩემ სანდ კანს ტეცხლი წაუვიდეს და გადაბუგეს... ცოდ-შენი ტეეში გაიქცა უზატრინდ... მე კი ვკი-
 დიუარ ხეზე ტეცხლ მადებულ სანდის გვერდით და ვქანაობ... აი დაჭწეუელს ღმერთმა! მარტო ფიქრისგანაც კი
 ფრუანტელი მივდის ტანში და მუხლები შეკეცება!..

— უხლა, ფთქვათ, მივე ზური მთაფრობას... ისეუ ჭფიქრობდა თედა: მე ჩემი სამუოფი და კიდევ მეტიც
 მანც დარჩება... ჭო და, მივეტი ზური მთაფრობას...



... ეს ვანუა მაშინვე მოტრიალდება, ვეფხვივით გამოუდგება იმ მსუნაგებსა და ღედს აუტირებს...



... ჩემი სახლ-კარი ხელეხლებლად დამჩნება. მეც სადსადამათად ვიქნება და ჩემი ჯალაბიც. დავტრიალდებით ჯარასავით და მემრისს ერთი-სუთად ავინახდაურებთ იმ რაღაც სუთიოდე კოდს, მთავრება რა იუიღის.

(იხ. შემდეგი გვერდი.)

წერილი რედაქციის მიმართ

ბატონო რედაქტორო!
 გთხოვთ დამიდასტუროთ, რომ ფსევდონიმი
 „კენჭობაძე“ მე არ მეკუთვნის.
 პატივის ცემით: **ტ. ლლონტი**

რედაქციისაგან. ეზმაკის მათრახის რედაქ-
 ცია ამოწმებს, რომ აღნიშნული ფსევდონიმი ტ.
 ლლონტს არ ეკუთვნის.



დავსდებით არხეინათ, გვერდით ამ ვანუსაც მოვისვამთ და... არაღე-თარიალაღეე! სიტყვსლე გაქვს, დავაგუგუნოთ!..

— ვანო ჯან, ვანო! — შესძახა თედომ ვანოს, ფიქრებს რომ მორჩა: ესლა კი ვიცი, თუ რაც უფილა ჩემი მოვალეობა! შენ გავინათდოს მაცხთვარმა შენი მიტვალებულები, როგორც მე გამანათლე დღეს! ბრმა ვიყავ და თვალები ამეხილა, ჩემმა მზემე! წაიღოს, გეთაფვა, წაიღოს მთავრობამ ე ჰური! თუნდაც სულ წაიღოს, ოღონდ ამ უბედურებს გადამარჩინოს.

„უბინაო სტუდენტნი“

— ამხანაგო ფრთხილიაშვილო!
 — რას გეიბრძანებთ?
 — ოთახს რათ არ მაძლევთ?!
 — არა გვაქვს. როცა გვექნება, მოგცემთ. თქვენ პირველ რიგში ხართ ჩაწერილი.
 — მე ძალიან კარგად ვიცი, სადაც ვარ. თქვენ უსინდისოთ იქცევით. თითონ გამგეობის წევრები იქერთ პირველ რიგში ოთახებს!... ნაცნობებსაც აძლევთ!...
 — ჩვენ უბინაო სტუდენტებს ვაძლევთ ოთახებს.
 — მე მაქვს ბინა?!
 — ვიცი, არა გაქვთ; მაგრამ ყველას ერთბაშათ ხომ ვერ დაგაკმაყოფილებთ? აი ამ დღეებში გადმოგვცემენ რამოდენიმე ოთახს და...
 — მერე რა?!
 — მიიღებთ...
 — ვერაფერსაც ვერ მივიღებ!...
 — სირცხვილია, ამხანაგო, ასეთი ლაპარაკი!
 — სირცხვილი!.. აი სირცხვილი!..
 და ამხანაგმა მუშტაძემ „ქართველურათ ჩააფარა“ ამხანაგ ფრთხილიაშვილს.
 ფრთხილიაშვილმა არ მოისურვა „ამხანაგისათვის“ სამაგიერო „ეჭმია“ და...

გათამამემულმა „გმირმა“ კარებში გასვლისას რაინდული თავმომწონებით წამოიძახა:
 — ესლა ეს იყოს, და შემდეგ კიდევ გცემთ საკადრის პატივსო!
 ეს სცენა „გათამაშებულ“ იქნა სტუდენტურ სასადილოში.
 მომქმედნი პირნი თავ-თავიანთ როლს ჩინებულათ ასრულებდენ.
 მაყურებლებიც ჯეროვან სიმაღლეზე იყვნენ: არც ერთ მათგანს ნეიტრალიტეტი არ დაურღვევია.
 ასე დასრულდა „უბინაო სტუდენტის“ პირველი მოქმედება. როგორი იქნება გაგრძელება?
 ცხადია: ფრთხილიაშვილი და მუშტაძე კიდევ შეხვედებიან ერთმანეთს, მაგრამ მეორე და უკანასკნელი მოქმედების მთავარ გმირებათ ისინი, როგორც დანამდვილებით ამბობენ, ვერ დარჩებიან.
 ხმება: აღნიშნულ ინციდენტის გამო სტუდენტთა კავშირის მთავარი გამგეობა გაბედულ ნაბიჯს გადადგმას აპირებსო...
 სტუდენტობის ფართე მასასაც განუზრახავს ამ საქმეში აქტიური მონაწილეობის მიღება, და ენახოთ, როგორ დაიწერება დასახელებულ დროამის უკანასკნელი მოქმედება...

უნდა აღვნიშნოთ, რომ ქართველი სტუდენტობა ამ ბოლო დროს სტუდენტურ ტრადიციებზე და თავმოყვარეობაზე ალაპარაკდა. ამ საკითხების გამო ამას წინეთ გაფიცვაც კინაღამ გამოცხადდა და...

მით უფრო საინტერესოა ხილვა იმისა, თუ ვინ როგორ ადგილს დაიჭერს სცენაზე ამხანაგ მუშტაძის გვერდით...

დაეუცადოთ.

მანამდე კი ჩვენ ფრიად მიზანშეწონილათ მიგვაჩნია სტუდენტთა კავშირის მთავარ გამგეობის ერთსულოვანი გადაწყვეტილება, რომლის ძალითაც გამგეობის თვითოეული წევრი ვალდებულია

— უბრალო ქუდის ნაცვლათ გერმანული „კასკა“ ან ძველებური მუზარადი ატაროს. „კასკის“ შესახებ, მართალია, გადაჭრით ვერაფერს გეტყვით, მაგრამ მუზარადი რომ—მართლაც—უტყუარი საშუალებაა ისეთი ძვირფასი და საჭირო ორგანოს დასაცავათ, როგორც არის ადამიანის თავი, ამას თვით სოლომონ ზურგიელიძეც ხაზგასმით აღნიშნავს. აი როგორ ბიმართავს ის ვერაგ მტერს ერთს თავის უკვდავ ლექსში:

წინდამ თქმა სჯობს,

მეც სახეში გეტყვი ამას:

მუშტებით თავს ვერ გამიტებს,

მახურავს მუზარადია!..

d.

შექანგალებულის ლექსები

როგორღაც თავი მიბრუს...
მიწა უკულმა ბრუნდება...
ტფილისს ქვეშ რეკენ ზარებსა...
გორს ცეკვა თუ მოუნდება...

თვალთ მიბნელებდა... ქაჯები
ქუთუთოებ ქვეშ ტლინკავენ...
ბორგავენ შავი ტალღები...
მიშველეთ... თორემ ჩამთქავენ...

აღარაფერი არ მახსოვს...
არ ვიცი, საით მივცურავ...
თხელ ნისლს რაღაცა გარს მაქსოვს,
თფილ ორთქლით სახეს ვიბურავ...

რა წარმტაცია... ოჰ, დედავ!!
მძინავს... ნელ-ნელა ვერკვევი...
აქ სად მოვსულვარ?! რას ვხედავ?
ქკუაზე ისევ ვირყევი...

ჰა, ჰა, ჰა, ჰა ჰა... ეს რაა?
რა დარდუბაღა, მაქნისი!..
ჰე, ძმებო! ქემალს ვეწვიოთ!
გადავდოთ ბარი, სახნისი!

მოდის ქემალი... ვინ უწყის
რას იზამს იქ ერევანში...
მაგრამ ივერის საზღვრებზე
მას გაუჩაღოთ რევანში.

რომ იწყებლიდეს თვის თავსა.
ვქნათ ბედით განაწირია...
რომ კვლავ არას დროს აღარ ქნას
ივერისკენ პირია.

არ გვინდა სხვისი იმედი...
სხვისი ფეშქაში, ძღვენია...
ქართველს, თვის მოიმედესა
თავი არ შეურცხვენია.

ასე ამბობდენ ქართველთა
ფილოსოფოსნი, ბრძენები:
„თუ თავი შენი შენ გახლავს,
ღარიბად არ იხსენები“.

დეე, აჩხავლდეს ყორნები...
და ასისინდენ გველები...
სამშობლოს თავისუფლებას
ყავს ღირსეული მცველები...

არ გათეთრდება ყორანი
რაგინდ რო ხეხო ქვიშითა...
არ გაწითლდება, არასგზით,
ქართველი შტრების შიშითა.

ჭირს შიგან მძლეთა-მძლეობა—
ეს არის ქართველის ბუნება:—
რაც მოიპოვა ბრძოლითა,—
—ძალუძს მის შენარჩუნება...

რამ დაანგრიოს კარავი—
შიგნიდან გაუბზარავი?—
ძმობა, ერთობა, გმირობა—
ეს არის ჩვენი მფარავი...

სამშობლოს წყლულის წინაშე
თვის წყლულებს დაივიწყებსა...
ერთსულოვნობა ძალას შობს
მტრის მომსრელს, დასამიწებსა

ჰო, ჰო, ჰო, ჰო, ჰო, ჰო! ჩემს თავში
ტრიალებს ქარის წისქვილი...
ბევრს არ უნდოდა ექამა,
მაგრამა სჭამეს სირცხვილი.

ხალხის საქმეს ხელს ნუ ჰკიდებ,
ხალხის საქმეს ნუ დაიწყებ,
თვითონ კარგად რო გაძლები,
მშვიერს კი ნუ დაივიწყებ.

საკუთარ ოჯახს რო იწყებ,
სახლს უნდა კარგად აგება...
არც შეშა, აღარც ნახშირი...
...აფერუმ მომარაგება.

აბა, ვინ გიფი გაულებს
ზამთრის მსუსხავ ქარს, ფანჯარას...
ქემალი გაგვითამამლა,
ეარშიყება აქარას.

აქარას ბევრჯერ უნახავს
ქემალის მსგავსი „მხსნელები“,
ქუდ მოგლეჯილი გარბოდენ,
რჩებოდათ ფეხსაცმელები.

წვიმა რომ მოვა, აქა-იქ
აღგება მღვრიე ღვარია,
ღვარი მდინარედ ვით იქცეს.
რა ფუქი საუბარია?..

ღვარს არ აქვს მიმართულება,
ღვარს არ აქვს თვისი გზა კვალი...
ოსმალეთს გაუფადარდა.
და ღვარად იქცა ქემალი...

ავდარს კვლავ დარი მოყვება—
ეს ხომ ბუნების წესია.—
ქემალი იმას მოიმკის
რაც წინათ დაუთესია...


ჰო, ჰო, ჰო... ჭკუის გოგრაში
წისქვილი ახრავუნდება...
რასაც ორ გროშსა ვშოულობ...
სულ ჩარჩ-ბაცაცებს უნდება...

თვალთ მიბნელდება რადაცა!...
დავლურს უვლიან ქუჩები...
ზამთრის ფრთა-სველმა ნიავმა,
მთლად ამომწუწნა ტუჩები.

ცხვირში შემიძვრა და ტვინზე
სველი ფრთა გადამაფარა...
დახუჭულ თვალთქვეშ აცეკვდა
შავ-შავი თხის და ცხვრის ფარა.

შექანჯალებული.

ც ე ც ხ ლ ი



მოწყვეტილი სხივი მზისა!
ნიკი მისცა ზენამ ვისა!
თვით სასიძო პირიმზისა
მაგიდასთან ლაღად ჰზისა
ლექსის წერად განამზადი
მრისხანე, ვით კატა ხვადი!!
ზის ზვიადი და შუქმფენი,
ფუტურელთა დამამშვენნი
ყანწელების მამა ბრძენი,
საქართველოს შესძღვნას ძღვენი—
აქვს მას მიზნათ დასახული
(თუმც შორს არის გაზაფხული!)



სამგზის შედრკა დედამიწა!!!
შესთხზა ერთი... და დაჰფრიწა!!!

— მუხავი არ ხარ, შენ უბიწო,
 გამეცალე! გამშორდი! წაი
 უკუაგდო და გასტყორცნა
 ისე რომ არც უძღვნა კოცნა!




სდგას ალვის ხე ქვეყნის თვალად,
 სონეტებს თხზავს იგი კვალად,
 სთხზავს ზანტურად, არ ხელმალად,
 რითმებს ყურით ათრევს ძალად.
 მარგალიტის ჯეფირს აწყობს
 ის უცეცხლოდ სონეტს აცხობს.
 გული თრთის ვით ვერცხლის წყალი,
 ელვას აფრქვევს მგოსნის თვალი,

ლექსი ცხვება კვლავ... ახალი.
 ცეცხლის არ სჩანს ნაპერწკალი.
 და სთხოვს გრიგოლ:— შეითანო,
 სოქვი, ცეცხლი ვით შევიტანო?



ეშამ ეს არ გაიკვირვა...
 მოყვისისთვის არ დაიძვირა,
 მან ასანთის გაპკრა წკირა
 ალი სონეტს მიუღირა.
 შეიტანა ცეცხლი მეტი!!
 ლამის დასწვას მით სონეტი!



გურული სცენა

აკვირინე. ე, ბიჭო, პავლია, გეიხედე გარეთ ადე-
 ქი, გავარდი გარეთ. შექამა ყურშიამ ვინ-
 ცხა, ისე უყეფს, ადე, მეიცვალე ფეხი...

პავლია. აქით, ძაღლო, აქით!.. აქით, აქით შენ
 საცოფევე... მობრძანდი, მატრონე, მობრძან-
 დი... მაგ საწელკავემ რეიზა ვერ გიცნო ახ-
 ლა აჰ?..

აკვირინა (გამოდის კარედ და მატრონეს შეხედება)
 ღმერთო, მომკალი... მატრონე ბძანდები?
 ბეჩა, მაგ საწელკავე ძაღლმა რეიზა ვერ გი-
 ცნო მერე... (ძაღლს) შენ დაგახრჩო ცოფმა,
 შენ წუნკალო, შინაურს და გარეშეს რომ
 ვერ ცნობილობ... შენ გაგჩითა ცოფი და
 იმან გადაგიტანა, ასე აგი... (მატრონეს) ჩემი
 სიკტილი ახლა... ხომ არ გიკბინა, ბეჩა, მაგ
 შეჩვენებულმა.

მატრონე. რეიზა იწუხებ, აკვირინე, ბეჩა ასე თავს,
 არაფერი არ უკბენია იმ ძაღლს ჩემდა, მარა,

პავლიე რომ არ მომშურებოდა, ფურთხაშთ
 წეიღებდა ამ ჩემს ისედაც დაფურთხაშებულ
 ნაკაბევეს... მარა მაგის დარდი გაქ მერე...
 ძაღლს კი არა, კაცს არა აქ კკუა ახლანდელ
 დროში...

აკვირინე. არა, ახი ქეა ერთნაირათ რომ თქვას
 კაცმა, რაღა, აღარ დაგიდგამს აგერ რამდენი
 ხანია ჩვენს ეზოში ფეხი და ძაღლს კი არა მე
 დამავიწყდა შენი სახე... აგერ შამობძანდი,
 აგერ ქუნხაში, რაცხა ფელამუშს ვადუღებ
 და მეშინია არ გადმეიაროს კარდალედან.

მატრონე.— ბეჩა, მეც მაგიზა მევედი, ეგება აკვი-
 რინემ მისი უფროსი კარდალე მათხუოს მეთ-
 ქინ და ახლა რაღაი, შენ ქე დაგიწყია ფელა-
 მუშის დუღება.

აკვირინე. ქე დევიწყე მარა, ქე გავათავებ, ხვალ
 საღამოს, გამომიგზანე შენი პაწე კოსმაიე და
 გამუატან... რაცხა ორი ღერი ჯანჯუხა მაქ
 ამოსარები, ამას რაც უნდა იყოს, ხვალ სა-

ლამომდი ქე გავათაგებ, დღეს ტკბილს მუა-
პეტემეზებ და ხვალე ქე ამუარებ ჯანჯუხებს..
მატრონე. რამდენ ღერ ჯანჯუხას აკეთებ ბეჩა
წროულს?

აკვირინე. რამდენს და აი, ამას, რასაც ხედავ ქან-
დარაზე გაკიდულს: ერთი ათი ცხრაი შეე-
ლის ყურა თხილის იქნება, ერთი ხუთი ცხრაი
ჩინჩე თხილის, ისე ნიგოზის, ვაშლის პანტას
და რა ვიცი ..

მატრონე. კაი ნახელავი კი იქნება ბეჩა, აკვირინე,
ჯვარი გიწერია ჩემი თვალიდან, ძაანი გამო-
გევა, აღარ უნდა მაგას ლაპარაკი... ტკბი-
ლის კვერს აკეთებ?

აკვირინე. აბა, აბა! ტკბილის კვერი რომ არ გუ-
უკეთო მისი ჭირიმე ჩემს ვანოიას, გადამასა-
ხლებს აქიდან. იმას ვენაცვალე მე, მომწერა
ქალაქიდან: ჩემი ნენე, ჩემი ძუძუეო, ტკბი-
ლის კვერები, შენ რომ იცი, შენებურათ,
ისტე გამიკეთეო, აქანე მინდა საიასალოთ წა-
მევილო თფილისშიო...

მატრონე. რეიზა არ გუუკეთებ, ჩემო აკვირინე
იმისანა შეილს, შენ ღმერთმა შევილიც კაი
მოქცა და ქმარიც... ჩემი ქმარი, კილონე,
აგერ, რაც შემოდგომა დადგა და სთველი
დევიწყეთ, მას მერე სულ ღრინავს: აქანეო,
ჯანჯუხზე და ფელამუზე არ დამახარჯვიო
ყურძნის ტკბილი ამ სიძვირეშიო, ღვინოთ
რომ გავყილო, იგი მიჩვენიაო, შენო სხვე-
ბის მიბაძვა არ გარგიაო... კი, მართალია,
სხვებსავეთ ხელ მომთფარი არ ვართ, მარა,
რავქნა, ბეჩა, ყველაფერი რაფერ ვეციქალო,
ცოცხლითაი რაფა მევიკლა თავი... აფია თუ
კაია, ჩემი შესაფერი მტერიც მყავს და მო-
ყვარეც, ეგება ქე მესტუმრონ, ვოტკაზე და-
საყოლებლად რაფა არ უნდა გქონდეს ოჯა-
ხის ქალს ორი ღერი ჯანჯუხა? თვითანც ქე
გუუხარდება მერე, რომ გავაკეთებ, მარა,
მანამდი ასე მეჯიყვიყვება. მერე, იცოცხლე,
ერთ რუმკა ვოტკას არ დალევს ისე, რომ
არ მომთხუოს: შეიტანე, ბეჩა, ერთი ღერი
ჯანჯუხა გექნება სამეო... დამიწყებს ღლარ-
ჯვას... მერე, იგი ციკაი, რომ მყავს, პალა-
სიე, ახლანდელ ღროში, რაფა ვიფიქრებ რა-
მეს, მარა, ვინ იცის, კაცის საქმე, იქნება ქე
შეხვთეს მისი ბედი... და ჯანჯუხა რაფა არ
ქონდეს კაცს სახში...

აკვირინე. არ გადირიო, ბეჩა, მატრონია, ყაძახს
უყურებ? რა მაგენის საქმეა ჯანჯუხა და ფე-
ლამუში? მისი საქმე გეინკვლიონ უკეთესია...
შენ რაფარც გიქნია, ისე ქენი...

მატრონე. ისე ვიზამ, აბა. რაი, მარა, მაინც არ
გესიამუნება კაცს ამისანე ამბავი. ციკამ, პა-
ლასიამ წიწიბოის გალიე გააკეთა ამოსალებათ
და მამა მისმა კინალამ მოკლა; არ დამანახო

მაგი აქანეო, მაგას ერთი ბათმანი ტკბილი
მუუნდებაო, და მერე შიაკუმ ვინცხა ბალ-
შენიკ ყაზილარცხსო.

აკვირინე. შენი პალასიე კილომ ბალშენიკობს მგო-
ნი, გუშხამ შეიკრიბა ქალები და რაცხა ახა-
ლი პარტია დგება ბალშენიკ ქალებიდანო და
ჩიეწერეო მითხრა, კალამ მოვკალი: უთხარი;
ციკავ, დიეტეი შენდა, ბოლშენიკ ქალებს
კი არა, კაცებს აფერი გუუკეთებია და შენ
ან თავს რას აცთენ და ან სხვას მეთქი...

მატრონე. რაუყო ბეჩა, თლად გადემერია იგი შე-
ჩვენებული ციკე და იმიზა უფრო მინდა რომ
ღროზე გავათხოვდე, მეშინია, არ გევილანძ-
ლო, სულ კრებებშია, დღე და ღამე. ჩვენი
საქართველოს პრავილები არაფერი არ მოს-
წონს, ლანძღავს ჩვენს მთავრობას, ამას შენ
გეუბნები, თვარა რომ გუუგონ, არ ვიცი რას
უზამენ, იმისანა, იმისანა რამეებს ამბობს...
მამა მისი აგერ, აგერ მოკლავს, ისეა გაკუ-
ჭებული—მაზე...

აკვირინე. ყველამ დუუშალოთ, ყველამ გუუმ-
ტყუნოთ, აფერი მისი საქმე არ არის ბოლ-
შენიკობა, იგი კი არა, თუ ქკუა აქ, ოჯახ-
ში შეიხედოს, აგერ თქვენ მოგეხმაროს და
თუ ბედი გამუუჩდეს, ქე ნულარ ზომავს
ბეგრს, ქე გიეთხუოს, რაფა პაწაი ხნის კი
არაა, ჩემი ვანოიეს კბილა ხომ იქნება და,
იგი, მისი ჭირიმე, აგერ გიორგობისთვეში
გათავებს ოცდა რვა წელიწადს...

მატრონე. რავქნა, შენი ჭირიმე აკვირინე, განა
თვითონ არ ვიცი ყველაფერი, მარა რომ
შეყდა ეშმაკზე, აღარ აპირობს ჩამოხტომას...
უკაცრავათ, ბეჩა, თავი შეგაწყინე და საქმე-
ზე მოგაცთინე. მშვიდობით ბძანდებოდეთ.
შენი ჭირიმე, ხვალ საღამოს ბიქს გამოგიგ-
ზავნი, ჩემს კოსმაიას, გამუატანე კარდალი
და ქე გამოგიგზავნი მ-ლე, აფერს არ გიწ-
ყენ...

აკვირინე. რატუმ მიკადრებ, მაგას, რა გაჩქარებს,
ნუ გეშინია ჩემსას არ ხარ ხშირი სტუმარი,
დეჟედი ერიცახე; აგერ გუშინდელი გაკეთე-
ბული ფელამუში მაქ და ერთი რომკა ვოტ-
კა დააყოლე... დეჟედი თუ ღმერთი გწამს...
(მატრონე, ჯდება, აკვირინე არაყს და ფელამუშს
მართმევენ).

მატრონე. ბეჩა, რეიზა შეიწუხე თავი ახლა, ჩემი
გულობიზა, ასე რომ მგონებოდა, რაფა მე-
ვილოდი აქანა, მოგაცდინე და შეგაწუხე...

აკვირინე. უმადური გამყოფა ღმერთმა მაგის თქმი-
ზა,—ასე, აგი... რატუმ იკადრებ მაგას...
ჰე, მოკიდე ხელი ფელამუშს შენი კალფონე
და პალასიე ნუ მოგიკტება, გადაკარი შაი,
ერთი რომკა ვოტკა. (მატრონე, მართმევენ ფე-
ლამუშს და არაყს და შემდეგ შინ წავა). შეილო-

ბით ბძანდებოდე ჩემო აკვირინე, დიდი მად-
 ლობელი ვარ, უკაცრავათ რომ შეგაწუხე...
აკვირინე. შეიღობით მიმყოფა ღმერთმა შენი თა-
 ვი, ჩემო მატრონე... შემოგიცდეს ფეხი, პა-


წა ხშირ-ხშირად ჩვენსას... ე, ბიკო, პავლია,
 გაყვევი კიშკრამდი მატრონეს, ძაღლმა არ
 უკბინოს.

ლუკაიეს ობოლე.

თ ა გ - დ ა ტ უ ლ ი .



საფრანგეთი. დასწყევდოს ღმერთმა! ვაძრბ, ვაძრბ და ვერა გავაწე რა! ე რა ღანფრათ ჩაურტვით
 იმ ღვახჭორებს!



საქართველოს სახაზინო რკინის გზებ. სტამბა-ლიტოგრაფია